

Deklarashon di privasidat di BerichtenboxCN

1. Ken ta responsabel pa prosesamentu di dato personal?

Belastingdienst CN ta responsabel pa prosesamentu di dato personal pa BerichtenboxCN.

Belastingdienst CN, RCN SSO i Belastingdienst NL ta implementá e maneho di BerichtenboxCN.

Belastingdienst ta forma parti di ministerio di Finansa i RCN SSO CN ta forma parti di ministerio di Asuntunan Interno i Relashonnan den Reino.

2. Dikon ta prosesá dato personal?

BerichtenboxCN ta un buzon personal pa risibí pòst digital di gobièrnu na Hulanda Karibense. E aplikashonnan di BerichtenboxCN ta aksesibel via MijnCN i ta disponibel komo un app di BerichtenboxCN pa 'smartphone' i 'tablet'.

Berichtenbox CN pa esei ta prosesá dato personal pa e siguiente finnan:

- Pa diseño, suministro, mantenshon i operashon (adekuerdo) di e app di Berichtenbox CN
- Pa mustra informashon, mensahe i dato den e app di BerichtenboxCN;
- Pa protekshon (di informashon) i garantia di konfiabilidad di e app di BerichtenboxCN, manera kombatimentu di mal uzo i i uzo inapropiá i análisis di insidentenan (di siguridad);
- Pa sosten na usuario inkluyendo atendentu di pregunta i keho di usuario;
- Pa statistik di bishitante, análisis di tendensia i investigashon di usabilidad di e app di Berichtenbox CN;
- Pa suministro di dato personal konforme obligashon legal

E app di BerichtenboxCN i e app di MijnCN ta disponibel pa aparatonan mobil, via Appstore di Apple i Google Playstore. E app di BerichtenboxCN i e app di MijnCN ta presentá (un selekshon di) e mesun datonan personal i ta prosesá e datonan pa e mesun finnan, manera ariba menshoná pa e wèpsait di e app di BerichtenboxCN.

3. Base pa prosesamentu di dato personal

E base pa prosesamentu di dato personal ta e Desishon di prosesamentu di dato personal pa infrastruktura digital genérico, ku ta basá riba e Lei di mensahe elektrónico di Belastingdienst

4. Kua dato personal ta prosesá?

Ora hasi uzo di e app di BerichtenboxCN, ta prosesá e siguiente datonan personal:

- number di CRIB;
- preferensia pa mensahe;
- Adrès di IP i karakteristikanan di 'software' i 'hardware' di e aparato ku e usuario ta usa pa 'log in';
- Historia di 'log in' manera orario di inisio i final di e seshon;
- Dato tokante nabegashon i akshonnan di e usuario;
- Dato tokante petishon, presentashon òf kambio di dato òf tokante fayò di funshonnan;

- dato tokante eventual apoderado den Mijncn, manera su number di CRIB, akshonnan di e apoderado, òf fayò di funshonnan den Mijncn;

Ora hasi uzo di e app di BerichtenboxCN, ta prosésá e number di CRIB pa por mostra dato den e kuenta di Mijncn. Al respekto ta warda, komo punto di salida, ménos dato posibel lokalmente riba e aparato mobil mes. Eksepshon pa esaki ta aneksonan huntu ku mensahenan. Si un usuario di e app di BerichtenboxCN habri anekso di un mensahe, ta warda i protehá esei lokalmente ku un asina yamá 'encryption token'. E anekso akí ta keda wardá te ora e usuario kita e app. Ta hasi uzo di un 'token di notifikashon' pa por mostra e usuario notifikashonnan di forma korekto i sigur ora hasi uzo di e app di BerichtenboxCN.

Partinan di e app di BerichtenboxCN ta bin di Apple i Google i a inkorporá nan debí na nan kapasidat di sosten i manejo a base di desaroyo di app.

Prevení i kaba ku mal uzo i uzo inapropiá

Mal uzo i uzo inapropiá por konsistí di:

- dañò na i violashon di siguridat tékniko manera 'hacking' i atakenan DDos;
- ora otronan (ku òf sin pèrmit) ta hasi uzo identidat digital di un persona pa wak òf ahustá dato i mensahe den Mijncn òf BerichtenboxCN.

Belastingdienst CN ta kombatí mal uzo òf uzo inapropiá pa:

- garantisá kontinuidat di nos servisio;
- prevení ku personanan ta bira víktima di krímen sibernetiko manera 'phishing'.

BelastingdienstCN ta traha huntu ku otro dunadónan di servisio públiko pa kombatí froude. Nos ta tuma tur notifikashon na serio. Si ta trata di 'phishing', komo prekoushon, nos ta hasi e wèpsait-, app- i nòmbernan di 'domain' offline. Di e forma akí e chèns ta mas chikitu ku kriminalnan por hasi mal uzo di datonan delikado.

Ku nos partnernan di kadena nos ta traha huntu den investigashonnan ku ta inventarisá posibel mal uzo òf uzo inapropiá di nos servisionan. Si tin indikashon di mal uzo òf uzo inapropiá di number di CRIB i apoderashon di CRIB òf di Mijncn, Belastingdienst CN tin mag di investigá esaki mas profundo. Al respekto Belastingdienst CN i su partnernan por kompartí dato ku otro si den legishon di BES esei ta permití. Basá riba resultadonan di e investigashon, Belastingdienst CN por disidí si tin mester di medida manera suspendé òf para aksesò via CRIB òf Apoderashon di CRIB pa Mijncn òf BerichtenboxCN.

Si otronan por mira datonan personal den un kuenta di Mijncn ku no ta di nan, òf lesa mensahenan ku no ta destiná pa nan, e persona ku ta doño di e kuenta di Mijncn a bira víktima di froude di identidat. Den estrecho kolaborashon ku otro organisashonnan gubernamental, Belastingdienst CN ta yuda personanan ora kos bai robes. Si tin asuntu di (posibel) froude di identidat, Belastingdienst CN ta guia bo pa kontrolá bo kuenta di Mijncn. Asina bo dato- i mensahenan ta keda di bo personalmente i bo por regla bo asuntunan digitalmente ku gobièrnu.

Por hasi uzo di tur dato menshoná den sekshon 4 pa prevení i kaba ku mal uzo i uzo inapropiá. Sinembargo, pa e investigashon ta hasi solamente uzo di e datonan ku ta indispensabel. Kua datonan eseinan ta, ta varia pa kada situashon.

5. 'Cookie' i otro informashon estadístiko

MijnCN ta kolektá statistik den un sistema pa finnan analítiko. Ta hasi esaki pa adaptá MijnCN mas mihó ainda na e usuario. Pa logra esei ta hasi uzo di un 'cookie' ku un identifikashon di bishitante anónimo. Ademas ta registrá un parti di e adrès di IP, di manera ku por tene na bista for di kua pais personanan ta hasi uzo di MijnCN.

Ta kita e último dos grupo di sifra di kada adrès di IP pa limitá mas tantu posibel e posibilidat pa saka afó e adrès original di IP. Di e forma ei no por relashoná e sobrá parti di e adrès di IP mas ku un persona individual. No por papia mas pues di dato personal.

Pa por hasi uzo di MijnCN ta krea, asina ku e usuario dreña, un asina yamá 'cookie' di seshon. Un 'cookie' di seshon ta nesario pa hasi uzo di MijnCN. E 'cookie' di seshon ta disparsé asina ku e usuario sali afó òf ora e seshon vense outomátikamente despues di sierto tempu.

MijnCN ta hasi uzo tambe di un 'cookie' permanente. Esaki ta ser kreá entre otro ora ku klek pa kita e 'smartbanner', ku kua e wèpsait di MijnCN ta fiha atenshon riba e app di BerichtenboxCN, òf ora un persona usa un telefòn selular i bai riba MijnCN via wèpsait. E ora ei ta aparesé un mensahe ku ta bisa ku tin un vershon mobil tambe, esta e app di Berichtenbox. Pa prevení ku un persona ta risibí e 'smartbanner' un bia mas den e promé 30 dianan despues ku el a klek pa kit'é, ta hasi uzo di un 'cookie' permanente asina. E 'cookie' akí no ta kontené dato personal.

6. Na ken ta suministrá dato personal?

MijnCN ta duna e number di Crib i e preferensia di mensahe (si e usuario ta deseá di risibí mensahe di e klientenan akí), na organisashonnan (gubernamental) ku ta afiliá na BerichtenboxCN di MijnCN. Ta suministrá esakinan, di manera ku e instituto (gubernamental) a base di esaki por entregá mensahe na MijnCN i MijnCN por confirmá entrega di e mensahenan akí na e instituto (gubernamental). Ta duna informashon di MijnCN òf si un usuario a aktivá su kuenta di MijnCN òf nò, na organisashonnan (gubernamental), ku a apuntá BerichtenboxCN komo kanal obligatorio pa tráfiko di mensahe elektrónico.

Pa su sosten na usuarionan Belastingdienst CN ta hasi uzo di un partido privá, ku ta tuma e 'sosten di promé liña' na su enkargo. Ademas Belastingdienst CN ta hasi uzo di servisionan di un partido privá pa tene investigashon di satisfakshon di kliente, pa asina por saka afó si e usuario ta satisfecho ku e ayudo ofresé.

E partidonan akí ta prosésá datonan personal di usuarionan ku ta tuma kontakto ku e Helpdesk di MijnCN, pa Belastingdienst CN. Ku e partidonan akí a sera akuerdonan di prosesamentu. Ora bo tuma kontakto ku e Helpdesk di MijnCN, e prosesadónan akí ta prosésá datonan personal tambe.

Por lo demas no ta duna dato personal na otro personanan, sin pèmit previo i inkonfundibel di e usuario. Eksepshon al respekto ta un obligashon legal pa suministrá informashon (manera e obligashon legal pa suministrá dato riba petishon na servisionan di investigashon di krímen), òf suministroo di dato, na un órgano gubernamental òf persona hurídiko ku un tarea legal ku ta nesesario pa garantisá siguridad i konfiabilidad di MijñCN.

Esei ta nifiká entre otro ku ora ta trata di insidentenan (di siguridad), pa prevení i kaba ku mal uzo i uzo inapropiá di MijñCN, Belastingdienst CN por informá e servisio di outentikashon di CRIB i e organisashonnan (gubernamental) afiliá i pa e motibu ei por suministrá e datonan rekerí.

7. Wardamentu di datonan personal

Ta warda datonan personal riba 'servernan di kòmputer ku i ku ta riba teritorio hulandes i ku Belastingdienst CN ta manehá. Mester warda datonan ku ta prosesá pa MijñCN, segun e términonan legal pa wardamentu vigente. A stipulá e términonan akí pa por duna siudadanonan sierto informashon ora nan pidi pa esaki, i pa kumpli ku e deber di kuido di minister di Asuntunan Interno i Relashon di Reino pa garantisá siguridad i konfiabilidad di e fasilidatnan akí.

E término pa wardamentu preskribí por diferensia pa dato personal, pasobra aki por tin otro aspektonan di siguridad na vigor. E términonan pa wardamentu pa MijñCN ta varia enter máksimo 18 luna te máksimo 10 aña.

Ora hasi uzo di e app di BerichtenboxCN ta warda aneksonan, ora habri nan, lokalmente i ta keda warda nan tanten e app ta riba e aparato mobil. No ta warda otro dato personal ku sali den e app di de BerichtenboxCN lokalmente. Ta protehá dato (personal) ku warda lokalmente riba e aparato mobil ku un 'encryption token'.

8. Bo derechonan relashoná ku bo datonan personal

Nos ta prosesá bo datonan personal pa e finnan akiriba deskribí.

Relashoná ku e prosesamentu akí bo por ehersé e siguiente derechonan, dirigiendo bo petishon al respekto na MijñCN:

- E derecho pa sa si nos ta prosesá bo datonan personal i e derecho pa wak bo datonan personal.
- E derecho pa koregí, kompletá òf limitá prosesamentu di bo datonan, teniendo kuenta ku e finnan deskribí mas ariba.
- E derecho pa kita bo datonan personal, por ehèmpel si no tin mester di e datonan akí mas pa e finnan deskribí mas ariba.
- E derecho pa oponé prosesamentu di bo datonan personal debí na motibunan ku tin di aber ku bo situashon spesífiko.

Komo usuario di Mijncn bo por mira bo nòmber di usuario, number di CRIB, adrès di e-mail i historia di uzo, si bo 'log in' riba e wèpsait di Mijncn. Abo mes por kambia e adrès di e-mail.

9. Protekshon di bo datonan personal

Nos ta tuma medidanan tékniko i organisatorio apropiá, pa asina bo datonan persona ta adekuadamente protehá. Bou di protekshon di informashon ta kai tambe medidanan pa por garantisá konfiabilidad di Mijncn. Pa por siñalá i kaba ku mal uzo i uzo inapropiá di Mijncn, nos ta hasi kontrol di dato. Si akaso un kuenta di Mijncn no ta den mannan sigur mas, e ora ei nos por tuma medidanan apropiá. E app di BerichtenboxCN ta kumpli ku medidanan di siguridad komparabel ku e medidanan di siguridad di e wèpsait di Mijncn. Berichtenbox ta hasi uzo tambe di mekanismonan di siguridad di e sistema operativo di e aparato mobil. E usuario mes ta responsabel pa protekshon di su aparato mobil. De bes en kuando por 'download' i instalá updatenan pa BerichtenboxCN via appstore. E updatenan akí ta destiná pa mehorá, amplia òf sigui desaroyá e appnan i por konsistí di solushon pa erornan den programa, funshonnan avansá, partinan di 'software' nobo ò vershonnan kompletamente nobo. Sin e updatenan akí ta posibel ku e app di BerichtenboxCN no ta funshoná òf no ta funshoná debidamente.

10. Kambio di e deklarashon di privasidat

Semper nos por kambia e deklarashon di privasidat akí. Si esei ta e kaso nos lo publiká e deklarashon di privasidat modifiká riba nos wèpsait <https://www.belastingdienst-cn.nl> despues di kua e deklarashon di privasidat akí ta mesora aplikabel.

Komishon supervishon protekshon di dato personal BES ta supervisá si ta kumpli ku legislashon di privasidat. Bo tin derecho di entregá un keho tokante tokante Belastingdienst CN na e komishon.